

Siunnersuut uunga: Aalisarneq pillugu Inatsisartut inatsisaata nr. 18-ip, 31. oktober 1996-imeersup allanngortinnejnarnera pillugu Inatsisartut inatsisaat.

(Siunertanut aalajangersaanernut aalajangersakkanik allannguuteqartitsineq, allaffis-sornikkut aqutsinermut siunertanut, kisitseqqissaarnermut siunertanut aamma nakku-tilliinermut siunertanut atatillugu paassisutissiisussaatitaaneq, aalisarnermi misissui-sartut ilanngunneqarnerat kiisalu atuisut akiliuteqartalernissaanik atuutsitsilerneq)

§ 1.

Aalisarneq pillugu inatsit nr. 18, 31. oktober 1996-imeersumi imaattunik allannguu-teqartitsisoqarpooq:

1 § 2, imm. 2 imatut oqaasertaqassaaq:

Imm. 2. Inatsisip matuma atortinnerani aalisagaqartuarnissaa kinguaassior tuarnissaal-lu pingartinneqassapput, kiisalu aalisarnerup uumassusillit aaqqissugaanerannut sun-niuteqarnera naammaginartuutinneqarnissaa. Ammattaaq aaqqissuulluakkamik uki-ullu qanoq ilinera apeqquataillugu uumasunik ilisimatuut nalinginnaasumik siunner-suinerat naapertorlugu pitsaanerpaamik iluaquteqarnissaq kiisalu inuiaqatigiit allamut saassinnaanerannut pisariaqartitsineq pingartinneqassapput.

2 § 14, imm. 5 nutaatut una ikkunneqassaaq:

“Naalakkersuisut sinerissap qanittuani aalisarnermi aalisarsinnaanermut akuersissu-tinik tunniussinermut kiisalu akuersissutinik allanik tunniussinermut atatillugu aki-liuteqarnissamik piumasaqarsinnaapput, annertussusissaat aalisarsinnaanermut akuer-sissutinik tunniussinermut akuersissuteqartarnermullu atatillugu allaffissornermut ani-nagaasartuutit tunngavigalugit aalajangersarneqartunik. Taamaattorli sinerissap qanit-tuani raajarniarnermut akuersissutinut akiliisoqartassanngilaq.”

3 § 14, imm. 6 nutaatut una ikkunneqassaaq:

“Akiliutit § 14, imm. 5-imí taaneqartut aningaasartassai Inatsisartut aningaasanut inat-sisaatigut aalajangersarneqassapput.”

4 § 14, imm. 7 nutaatut una ikkunneqassaaq:

“Suliffeqarfuit (inuit, ingerlatseqatigiiffit, umiarsuaatileqatigiit ilaallu ilanngullugit), avataasioluni imaluunniit sinerissamut qanittumi raajarniarnissamut Naalakkersuisu-nit akuersissuteqarfingineqarsimasut akuersissutinit ukiumoortumik nunatta karsianut akileraaruteqartassapput. Akileraarut akilersinniarneqartassaaq aalisarnikkut suliniute-qarnernik nakkutilliinermut aningaasartuutinik matussusiinissaq siunertaralugu.”

5 § 14, imm. 8 nutaatut una ikkunneqassaaq:

Aalisagartassiissutinik akuersissuteqarnermut akileraarut, § 14, imm. 7 naapertorlugu, Inatsisartut aningaasanut inatsisaatigut aalajangersarneqassaaq.”

6 § 14, imm. 9 nutaatut una ikkunneqassaaq:

“§ 14, imm. 7 malillugu akileraarutinik akiliuteqartitsinermut allaffissorneq pillugu Naalakkersuisut nalunaarutitigut erseqqinnerusumik maleruagassiorsinnaapput, taa-matullu atuisunik akiliuteqartitsineq § 14 imm. 5 naapertorlugu.”

7 § 14 imm. 10 nutaatut una ikkunneqassaaq:

“Najoqquassiiani una inatsit naapertorlugu atuutilersinneqartuni, najoqquassiiani aalajangersakkanik unioqqutitsinermi akiliisitsinermik pineqaatissiineq pillugu male-ruagassiorqarsinnaavoq. Ingerlatseqatigiiffiit aktiaateqarluni ingerlatseqatigiiffiusut, piginneqataassuteqarluni ingerlatseqatigiiffiusut, piginneqatigiiffiit (Amba), peqati-giiffiit, suliffeqarfiiit imminnut ingerlattut aamma aningasaateqarfiiit aalajangersak-kanik unioqqutitsinermi akiliisitaasussangortinnejarsinnaapput.”

8 Kapitali 10-mut kapitalip qulequtaa imaalillugu allanngortinneqarpoq “Naalakker-suisut paasissutissanik pissarsiniarnerat”

9 § 25, imm. 1 imatut oqaasertaqassaaq:

“Inatsisartut inatsisaata aqtsinikkut atorneqarnerani, tassunga ilanngullugit naatsor-sueqqissaarnermik misissueqqissaarnermillu siunertanut atornerani, aamma nakkutil-liinermik siunertanut atornerani, Naalakkersuisut malittarisassanik aalajangersaasin-naapput, tamatuma kingorna kalaallit aalisariutaannik piginnittuusoq, atugassaqartor-luunniit, inatsimmi § 6, imm. 1 naapertorlugu, nunat allamiut aalisariutaat, inatsimmi § 7, imm. 1 naapertorlugu, Kalaallit Nunaanni tunisassiorfiit ilaalu ilanngullugit angallatit pillugit, sakkut atortullu allat, aalisarneq, pisat, angallammut allamut nuus-sinerit, angallammi nammineq tunisassiorneq, usingiaanerni tunisinermillu isertitat ilaalu ilanngullugit pillugit paasissutissiinissaminut pisussaatinneqarpoq. Tassunga ilanngullugit teknikkimut, aningasaqarnermut ingerlatsinermillu paasissutissanut tunngasut.”

10 § 25, imm. 2 imatut oqaasertaqassaaq:

“Naalakkersuisut imm. 1 naapertorlugu naatsorsueqqissaarnermi paasissutissanik pi-sortatigoortumik saqqummiussisinnnaapput aamma Inatsisartut inatsisaat naapertorlugu akuersissutit tunniunneqartut kisitsisinngorlugit paasissutissanik imaluunniit tamanna tunngavigalugu malittarisassat aalajangersarneqarsimasut pillugit.”

11 § 29, imm. 1 imatut oqaasertaqassaaq:

“Kalaallit Nunaanni Aalisarsinnaanermut Akuersissutinik Nakkutilliisoqarfik eqqar-tuussivimmiit uppernarsaammik peqanngikkaluarlutik uppernarsaatitulli atuussinnaa-sumik takutitsinikkut § 6, imm. 1 naapertorlugu kalaallit aalisariutaannik piginnittu-mut, atugassaqartitaasumulluunniit peqqusisinnnaapput, inatsimmi § 7, imm. 1 naaper-torlugu, Kalaallit Nunaanni Aalisarsinnaanermut Akuersissutinik Nakkutilliisoqar-fimmiit aalisarnermi nakkutilliisumik ilaasoqassasoq, aalisariutip aalisarnerani nakkutilliinissaq siunertalaralugu.”

12 § 29, imm. 1, nr. 1 nutaatut ikkunneqassaaq:

1) "Kalaallit Nunaata nunataani aalisarnikkullu oqartussaaffigisaani."

13 § 29, imm. 1, nr. 2 nutaatut una ikkunneqassaaq:

2) "Kalaallit Nunaata nunataani aalisarnikkullu oqartussaaffigisaata avataani, ingerlatat taakkua angallatinit Naalakkersuisut tunniussaannik akuersisummiq pigisalinnit imaluunniit Naalakkersuisut akuerisaannik akuersisummiq pigisalinnit ingerlanneqarpata."

14 § 29, imm. 2 imatut oqaasertaqassaaq:

"Kalaallit Nunaanni Aalisarsinnaanermut Akuersissutinik Nakkutilliisoqarfik eqqartuussivimmiit upternarsaammik peqanngikkaluarluni upternarsaatitut atorsinnaasumik takutitsinikkut angallatit akuersitissinnaavai, Kalaallit Nunaanni Aalisarsinnaanermut Akuersissutinik Nakkutilliisoqarfimmeersumik angallatit pineqartut Kalaallit Nunaannut tulaassineranni nakkutilliisoqarnissaannik aamma umiarsuarnut allanut nuussinerni Kalaallit Nunaata aalisarnikkut oqartussaaffigisaani aamma angallatit kalaallit nunaanneersut aalisarnikkut oqartussaaffiusup avataani umiarsuarmut allamut nuussinerni."

15 § 29, imm. 3 imatut oqaasertaqassaaq:

"Umiarsuaatileqatigiiffiup pineqartup Kalaallit Nunaanni Aalisarsinnaanermut Akuersissutinik Nakkutilliisoqarfimmeersup nakkutilliinermut atatillugu nakkutilliisup angallammiinnera nerisaqarneralu akilertassavai. Nakkutilliinermut atatillugu aningaaasartuutinut umiarsuaatileqatigiiffiup annertunerusumik matussuseeqataasinnaaneranut malittarisassiornissamut Naalakkersuisut aalajangersaasinnaapput."

16 § 29, imm. 4 imatut oqaasertaqassaaq:

"Aalisarnermik nakkutilliisut angallatip inuttai piumaffigisinnaavai, aalisarnermik nakkutilliisut angallatip radioanik, qarasaasiaanik oqarasuaataanillu atuinissamut periarfissaqarnissaminnik nakkutilliinerminkut atatillugu oqartussaasunut attuumassutilinnut attaveqarniarnerminni."

17 § 29, imm. 5 nutaatut una ikkunneqassaaq:

"Aalisarnermik nakkutilliisut imaluunniit Kalaallit Nunaanni Aalisarsinnaanermut Akuersissutinik Nakkutilliisoqarfimmiit nakkutilliartortnunut imm. 1 aamma imm. 2 naapertorlugit, pisinnaatitaaffinnik suliassanillu Naalakkersuisut aalajangersaasinnaapput. Inatsisartut inatsisaat malillugu inatsimmilu malittarisassani aalajangersakkat malinnejarnissaannut suliassat nakkutilliinermik ilaqpata, naalagaaffimmi oqartusasut oqaloqatigereernerisigut suliassat aalajangersarneqassapput."

§ 2.

Inatsisartut inatsisaat 1. januar 2010-mi atortuulersinnejassaaq.

Kalaallit Nunaanni Namminersorlutik Oqartussat, xx. yyyy 2009

Kuupik Kleist

/

Ane Hansen